



Moderamen
GBKP

Ibadah Keluarga

Selasa, 12 Mei 2020



1) Rende KEE no. 62:1-2

Ibabai Bapa

- 1) Min lalap Kam inganku Tuhan
Kam Yesus batang anggur nge
GegehNdu maler min ku dahan
'Di lang bene kap aku pe
KesahNdu bengket aku min
Gelah erbuah aku kin

- 5) La kal ateku sirang Tuhan
K'rajangNdu aku lalap me
Keleng ateNdu me kunanam
GegehNdu min geluhku pe
GegehNdu terbeliden min
Bas aku lah erguna kin

2) Ertoto Ibabai Nande

3) Ngoge Pustaka Si Badia

Ulangen 31:1-3 Ibabai Anak

4) Ngoge Penaruh Guna Nuriken Pengejapen/Sharing Ibabai Nande

"Nikapken Generasi Penerus (Regenerasi)"

Salah sada tugas orang tua entah pe pemimpin si pentingna emekap nikapken generasi penerusna si ngasup nggancihken ia ibas paksana. Tugas enda enggo ilakoken Nabi Musa alu mehuli. Kenca lanjut umurna ngaku ia man bangsa Israel: "lanai bo aku ngasup jadi pemimpinndu" (Ul 31:2). Emaka alu jiwa besar sue ras pedah Dibata, Musa mpetandaken Josua si nguda denga jadi gancihna jadi pemimpin bangsa Israel.

Lanjut ku bas Hal 2

Labo sekalak Josua ngenca penting iakap Musa jadi generasi penerusna tapi pe kerina generasi muda Israel. Emaka ipersingetina gelah kerina orang tua ibas bangsa Israel ngajarken Undang-Undang Dibata man kerina sinursurna, khususna si lenga pernah megi kerna Undang-Undang e. Nabi Musa enggo ndalanken usihen si mehuli ibas ngelakoken regenerasi kepemimpinan ibas bangsana.

Kata Dibata enda pe mpersingeti kerina orang tua, enggo nge tuhu-tuhu nikapken anak-anakna ngalo-ngalo masa depan si cerah ? Enggo nge tuhu-tuhu banci jadi usihen man anak janah alu tutus ate nekolahken anak aminna gia melala kiniseran ras hambaten? Kata Dibata endap e sekaligus mpersingeti anak-anak, enggo nge tuhu-tuhu ertanggungjawab membangun masa depanna alu tutus sekolah ntah erdahin, khususna ibas makeken ulih latih orang tua? Selaku kalak si nguda denga, enggo nge siperlengkapi dirinta guna ngaloken estafet ibas orang tua/seniorta nari?

Renungenta wari enda mpersingeti kita kerina subuk generasi tua bagepe generasi muda guna njadikan Undang-Undang Dibata jadi gelementa ibas nikapken masa depan jabu, gereja, masyarakat, bangsa ras negara gelah Gelar Tuhan lalap ipermuliaken arah kegeluhenta selaku kalak sierkiniteken.

5) Nuriken Penggejapen/Sharing kerna topik renungen Moderator : Anak

6) Pertoton Syafaat (topik doa syafaat itentukan isi jabu)

7) Pertoton Tuhan + itutup alu ngendeken “Bujur o Tuhanku” (Bapa T’rimakasih)

Bujur o Tuhanku 2x
Terpujilah GelarNdu
Bujur o Tuhanku